

इदं । श्रेष्ठं । ज्योतिषां । ज्योतिः । आ । अगात् । चित्रः । प्रऽकेतः । अजनिष्ट । विऽभ्वा ।  
 यथा । प्रऽसूता । सवितुः । सवाय । एव । रात्री । उषसे । योनिं । अरैक् ॥  
 रुशत्ऽवत्सा । रुशती । श्वेत्या । आ । अगात् । अरैक् । ऊं । कृष्णा । सदनानि । अस्याः ।  
 समानऽबन्धू । अमृतैः । अनूची । द्यावा । वर्णै । चरतः । आऽमिनाने ॥  
 समानः । अध्वा । स्वस्रोः । अनन्तः । तं । अन्याऽअन्या । चरतः । देवऽशिष्टे ।  
 न । मेथेते । न । तस्थतुः । सुऽमेकैः । नक्तोषसा । सऽमनसा । विऽरूपे ॥  
 भास्वती । नेत्री । सूनृतानां । अचेति । चित्रा । वि । दुरः । नः । आवः ।  
 प्रऽअर्थे । जगत् । वि । ऊं । नः । रायः । अख्यत् । उषाः । अजीगः । भुवनानि । विश्वा ॥  
 जिह्मऽश्ये । चरितवे । मघोनी । आऽभोगये । इष्टये । राये । ऊं । त्वं ।  
 दभं । पश्यत्ऽभ्यः । उर्विया । विऽचक्षे । उषाः । अजीगः । भुवनानि । विश्वा ॥ १ ॥  
 क्षत्राय । त्वं । श्रवसे । त्वं । महीयै । इष्टये । त्वं । अर्थेऽइव । त्वं । इत्यै ।  
 विऽसदृशा । जीविता । अभिऽप्रचक्षे । उषाः । अजीगः । भुवनानि । विश्वा ॥  
 एषा । दिवः । दुहिता । प्रति । अदर्शि । विऽउच्छन्ती । युवतिः । शुक्रऽवासाः ।  
 विश्वस्य । ईशाना । पार्थिवस्य । वस्वः । उषः । अद्य । इह । सुऽभगे । वि । उच्छ ॥  
 पराऽयतीनां । अनु । एति । पार्थः । आऽयतीनां । प्रथमा । शश्वतीनां ।  
 विऽउच्छन्ती । जीवं । उत्ऽईरयती । उषाः । मृतं । कं । चन । बोधयती ॥  
 उषः । यत् । अग्निं । संऽइधे । चकर्थ । वि । यत् । आवः । चक्षसा । सूर्यस्य ।  
 यत् । मानुषान् । यक्ष्यमाणान् । अजीगः । तत् । देवेषु । चकृषे । भद्रं । अप्रः ॥  
 कियति । आ । यत् । समया । भवति । याः । विऽऊषुः । याः । च । नूनं । विऽउच्छान् ।  
 अनु । पूर्वाः । कृपते । वावशाना । प्रऽदीध्याना । जोषं । अन्याभिः । एति ॥ २ ॥  
 ईयुः । ते । ये । पूर्वऽतरां । अपश्यन् । विऽउच्छन्ती । उषसं । मर्त्यासः ।  
 अस्माभिः । ऊं । नु । प्रतिऽचक्ष्या । अभूत् । ओं । ते । यन्ति । ये । अपरीषु । पश्यान् ॥  
 यवयत्ऽवैषाः । ऋतऽपाः । ऋतेऽजाः । सुम्नऽवरी । सूनृताः । ईरयती ।  
 सुऽमंगलीः । विभ्रती । देवऽवीतिं । इह । अद्य । उषः । श्रेष्ठऽतमा । वि । उच्छ ॥  
 शश्वत् । पुरा । उषाः । वि । उवास । देवी । अथो । अद्य । इदं । वि । आवः । मघोनी ।  
 अथो । वि । उच्छात् । उत्ऽतरान् । अनु । द्यून् । अजरा । अमृता । चरति । स्वधाभिः ॥